

Dževad Rađo
Zastupnik SBB BIH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Ministarstva privrede

Sarajevo, 01.06.2016.

ZASTUPNIČKO PITANJE

Pitanje upućujem Ministarstvu privrede, ministru Muharemu Šabiću.

U kojoj fazi je Zakon o izmjenama i dopunama zakona o Geološkim istraživanjima.

Prijedog zakona koji je dat na javnu raspravu je neprihvatljiv od strane privrednika i svih institucija koje podlježe ovom Zakonu. Privrednici i svi zavodi su napravili prijedog Zakona koji je prihvatljiv i primjenjiv, te isti dostavili Ministarstvu privrede u februaru 2016.godine., ali povratna informacija nikada nije došla.

Primjenom postojećeg Zakon od dana donošenja, za sve objekte koji su izgrađeni u Kantonu Sarajevo, pravno je nemoguće ishodovati odoborenje za građenje, to znači da su svi objekti izgrađeni nelegalno.


Postojeći Zakon nalaže da se prilikom izvođenja geotehničkih radova ishoduju urbanistička saglasnost za te radove, a nadlažene institucije za izdavanje urbanističke saglasnosti (općine, ministarstva) ne poznaju termin urbanistička saglasnost za istražne radove.

Sve ovo je suvišno iz razloga što se u urbanističkoj saglasnosti za građevinski objekat nalaže izvođenje geotehničkih istražnih radova.

U prilogu pitanja dostavljam prijedlog Zakona o izmjenama I dopunama Zakona o geološkim istraživanjima koji su uptili privrednici i Zavod, te obrazac zahtjeva za izdavanje urbanističke saglasnosti.

Zastupnik SBB BIH

mr. Dževad Rađo



Podnositac zahtjeva:

PREZIME I IME	
IME RODITELJA	
JMB	
ADRESA STANOVANJA	
KONTAKT TELEFON	
KONTAKT SMS	
KONTAKT E-MAIL	

**OPĆINA CENTAR SARAJEVO
SLUŽBA ZA UPRAVU ZA PROSTORNO UREĐENJE
I KOMUNALNE POSLOVE**

UP

PREDMET: **ZAHTEV ZA IZDAVANJE URBANISTIČKE SAGLASNOSTI**

Za [označite odabрано]:

- izgradnju
- rekonstrukciju
- sanaciju (za oštećene građevine graditeljskog nasljeđa)
- nadziranje
- dogradnju
- promjenu namjene
- konzervaciju
- izvođenje drugih zahvata u prostoru (građevinsko-zanatski i građevinsko-instalaterski radovi, ugradnja i montaža opreme i gotovih građevinskih elemenata i konstrukcija)

na k.č. _____ k.o. _____ u ulici _____

UZ ZAHTEV PRILAŽEM:

1. izvadak iz zemljische knjige
2. izvadak iz katastra
3. idejni projekat ili idejno rješenje ili programsku skicu (u zavisnosti o složenosti građenja)
4. rješenje, odluku, ugovor ili saglasnost propisane posebnim zakonom
5. obrazloženje zahtjeva sa podacima potrebnim za utvrđivanje urbanističko-tehničkih i drugih uvjeta
6. 30,00 KM administrativne takse

Napomena: Ukoliko investitor u naknadno određenom roku ne upotpuni zahtjev sa naloženom dokumentacijom, zahtjev će biti odbijen u skladu sa čl. 135 Zakona o upravnom postupku (Sl. novine FBiH 2/98, 48/99).

Dokumentacija pod tačkom 2. i 3 se prilaže u originalu, a ostala u originalu ili ovjerenoj kopiji.

POTPIS PODNOSIOCA

Sarajevo _____ 200_____. godine.

L.K. _____ P.U. _____

Napomena: Navedite kontakt adresu, ukoliko to nije adresa stanovanja _____

**Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede**

-radni materijal-

**ZAKON O IZMJENAMA I DOPUNAMA
ZAKONA O GEOLOŠKIM ISTRAŽIVANJIMA**

Obradivač materijala:
Zavod za planiranje razvoja
Kantona Sarajevo

Predlagač:
Ministarstvo privrede

Sarajevo, februar/veljača 2016.

Na osnovu čl. 12. tačka d) i l) i 18. stav (1) tačka b) Ustava Kantona Sarajevo ("Službene novine Kantona Sarajevo", br.1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana _____ 2015. godine, donijela je

ZAKON O IZMJENAMA I DOPUNAMA ZAKONA O GEOLOŠKIM ISTRAŽIVANJIMA

Član 1.

Ovim Zakonom vrše se izmjene i dopune Zakona o geološkim istraživanjima („Službene novine Kantona Sarajevo“ broj 41/12).

Član 2.

- (1) U Zakonu o geološkim istraživanjima ("Službene novine Kantona Sarajevo", broj 41/12) u članu 2. u alineji 1) iza riječi "je" riječi: "privredno društvo" zamjenjuju se sa riječi "subjekt".
- (2) Iza alineje 8) dodaje se nova alineja 9) koja glasi: „Nadležni organi za izdavanje odobrenja su Ministarstvo privrede (u daljem tekstu: ministarstvo) i općina na čijem području se nalazi istražni prostor, a dosadašnje alineje 9), 10) i 11) postaju alineje 10), 11) i 12)."

Član 3.

- (1) U članu 8. stav (4) briše se tačka r).
- (2) U istom članu, iza stava (4) dodaje se novi stav (5) koji glasi:
„(5) Posebna detaljna geološka istraživanja su istraživanja koja se vrše za potrebe izrade planova prostornog uređenja.“

Član 4.

- (1) U podnaslovu člana 10. iza riječi „od“ dodaje se riječ „posebnog“.
- (2) U članu 10. stav (1) iza riječi „od“ dodaje se riječ „posebnog“.
- (3) U članu 10. stav (1) tačka g) iza riječi „klizišta“ dodaju se riječi „odrona, drugih savremenih egzogenih geoloških procesa“.
- (4) U članu 10. stav (2), na kraju rečenice tačka se zamjenjuje zarezom i dodaje se tekst „a za istraživanja iz tačke g) donosi općina na čijem području se nalazi istražni prostor.“
- (5) U članu 10. iza stava (2) dodaje se novi stav (3) koji glasi:
„(3) Odluku o istraživanju iz stava (1), tačka h) donose: za prostorne planove i urbanističke planove u Kantonu Sarajevo Vlada Kantona, a za provedbene planove općina na čijem području se nalazi istražni prostor.
- (6) Dosadašnji stav (3) postaje stav (4). U istom stavu riječ "odobrenja" zamjenjuje se sa riječi "ugovora", iza riječi "sa" dodaju se riječ i slovo "Zakonom o", a riječi "Bosne i Hercegovine ("Službeni glasnik BiH", br. 49/04, 19/05, 52/05, 92/05, 8/06, 24/06, 70/06 i 12/09)" zamjenjuju se riječima: "("Službeni glasnik BiH", broj 39/14)".

Član 5.

U članu 16. iza stava (1) dodaju se novi stavovi (2) i (3) koji glase:

- „(2) Eksplotacija mineralnih sirovina, kao i vađenje pjeska, šljunka, gline, kamena i sl. ne može se odobriti na urbanom području Kantona, u zaštitnim zonama izvorišta vode, na zaštićenim i rezervisanim površinama, rekreacionim područjima i sličnim površinama.
- (6) Izuzetno, od odredbe prethodnog stava, urbanistička saglasnost se može donijeti ako Skupština Kantona utvrdi poseban interes.“

Član 6.

U članu 18. iza stava (2) dodaju se novi stavovi (3) i (4) koji glase:

- „(3) Posebna detaljna geološka istraživanja iz člana 8. stav (5) izvode se na osnovu projekta za istraživanje i ispitivanje urađenog od nosioca izrade plana prostornog uređenja.“
- (4) Ministarstvo je dužno donijeti Pravilnik o detaljnim geotehničkim istraživanjima i ispitivanjima za potrebe izvođenja radova navedenih u članu 8. stavovi (4) i (5).“

Član 7.

U članu 19. u stavu (3) riječi „odobrenja Ministarstva“ zamjenjuju se riječima „urbanističke saglasnosti izdate naručiocu istraživanja za izgradnju određene građevine ili zahvata u prostoru.“

Član 8.

U članu 20. dodaje se novi stav (5) koji glasi:

- „(5) Pri izradi Programa i projekata za potrebe izrade planova prostornog uređenja neophodno je uključiti stručna lica urbanističke, geografske, građevinske i GIS struke.“

Član 9.

U članu 21. u stavu (1) riječi: "(Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09)" zamjenjuju se riječima: "(Službene novine Federacije BiH", broj 81/15)".

Član 10.

- (1) U članu 22. stav (5) iza broja „10“ dodaju se riječi „stav (1) tačke od a) do f)“.
- (2) U članu 22. u stavu (5) briše se rečenica "Za članove stručne komisije imenuju se i stručne osobe geološke struke iz ministarstva.“.
- (3) U stavu (6) brišu se: broj "21.", zarez iza broja "21.", zarez iza broja (5), slovo "i" iza broja "42." i broj "55.", a dodaje se slovo "i" iza broja (5).
- (4) Na kraju člana dodaje se novi stav (7) koji glasi:
- „(7) Revizija programa, projekata, izvještaja i elaborata o izvršenim geološkim istraživanjima iz člana 10. tačke g) i h) ovog zakona vrši se u skladu sa stavom 2 ovog člana.“

Član 11.

- (1) U članu 26. u stavu (3) riječi: "svrhu izgradnje objekata pobrojanih" zamjenjuju se riječima: "svrhe navedene", a riječ "Ministarstva" zamjenjuje se riječima: "općine na čijem području se nalazi istražni prostor".
- (2) Iza stava (3) dodaje se novi stavovi (4) i (5) koji glase:
- (3) „Detaljna geološka istraživanja koja se rade u svrhu izrade provedbenih planova prostornog uređenja iz članu 8. stav (5) ovog zakona, vrše se na osnovu odobrenja nadležnog organa.
- (4) Za hitna geološka istraživanja, koja se rade na osnovu posebnih zakona (Zakona o zaštiti i spašavanju ljudi i materijalnih dobara od prirodnih i drugih nesreća - "Službene novine Federacije BiH", br. 39/03, 22/06 i 43/10, i drugih propisa), i u svrhu stvaranja uslova za otklanjanje posljedica elementarnih nepogoda nije potrebno odobrenje nadležnog organa.“

Član 12.

- (1) U članu 27. stavu (1) iza broja „26“ dodaju se riječi „stav (1) i (2)“, a iza riječi „zakona“ briše se tačka i odaju se riječi „a u slučaju iz člana 8. stav (4) ne podnosi se zahtjev za odobrenje, odnosno pravosnažna urbanistička saglasnost zamjenjuje odobrenje.“
- (2) U istom članu, stavu (2) iza riječi „istraživanja“ dodaju se riječi „za mineralne sirovine“.
- (3) U stavu (3) u tački d) riječ "projekt" zamjenjuje se sa riječi "projekta".
- (4) U istom članu dodaju se novi stavovi (5), (6), (7), (8) i (9) koji glase:
 - „(5) Za detaljna geološka istraživanja u svrhu izgradnje gradevina i sanacije klizišta nevedena u članu 8. stav (4) ne podnosi se zahtjev, a istraživanje se vrši na osnovu urbanističke saglasnosti izdate naručiocu istraživanja.
 - (6) U slučaju iz stava (5) privredno društvo ili javna ustanova koja vrši istraživanje obavezna je imati sljedeću dokumentaciju:
 - a) projekat detaljnih geoloških istraživanja,
 - b) izvještaj o izvršenoj reviziji programa, odnosno projekta istraživanja.
- (7) Za potrebe izrade prostorno planske dokumentacije zahtjev za odobrenje istražnih radova o inženjerskogeološkim i geotehničkim osobinama terena podnosi nosilac izrade plana prostornog uređenja uz prezentiranje:
 - a) odluke o pristupanju izradi dokumenta prostornog uređenja,
 - b) programa istraživanja.
- (8) Privredno društvo ili javna ustanova je dužno, prije početka istražnih radova, obezbijediti katastar komunalnih uređaja.
- (9) Nadležni organ je dužan obezbijediti nesmetani pristup zemljištu na kojem će se vršiti geološka istraživanja. Način i dokumentacija kojom se obezbjeđuje nesmetani pristup zemljištu utvrđice se Pravilnikom iz člana 10. stav (5).“

Član 13.

- (1) U članu 28. u st. (5) i (7) riječ "Ministarstvo" zamjenjuje se riječima: "nadležni organ iz člana 26. ovog zakona".
- (2) U stavu (5) riječ "dužno" zamjenjuje se sa riječi "dužan".
- (3) Iza stava (7) dodaje se novi stav (8) koji glasi: "(8) Općina koja je izdala odobrenje iz stava (7) ovog člana dostavlja i Ministarstvu dva primjera ovog odobrenja.".

Član 14.

- (1) U članu 30. iza stava (1) dodaje se novi stav (2) koji glasi:
„(2) Odobrenjem za geološka istraživanja za prostorno-plansku dokumentaciju i ostala detaljna istraživanja određuje se: predmet istraživanja, naziv privrenog društva ili javne ustanove, veličina istražnog prostora, obim istražnih radova, rok do kojeg se moraju početi i završiti istražni radovi.“
- (2) Dosadašnji stavovi (2) i (3) postaju stavovi (3) i (4).

Član 15.

U članu 33. brišu se riječi „ili investitor tih radova“, riječi „dužni su“ zamjenjuju se riječima „dužno je“, a riječi: "Ministarstvu koje je izdalо" zamjenjuju se riječima: "nadležnom organu koji je izdao".

Član 16.

- (1) U članu 40. u stavu (1) riječ "Ministarstvu" zamjenjuje se riječima: "nadležnom organu koji je izdao odobrenje za istraživanje".
- (2) U st. (2) i (3) riječ "Ministarstvu" zamjenjuje se sa riječi "organu".
- (3) Na kraju člana 40. dodaje se novi stav (5) koji glasi:
- (4) Sadržaj i način izrade elaborata i izvještaja o završenim istraživanjima propisuju se pravilnikom koji donosi ministar.

Član 17.

- (1) U članu 46. u stavu (1) riječ "Ministarstvo" zamjenjuje se riječima: "nadležni organ koji je izdao odobrenje za istraživanje".
- (2) U st. (2), (3) i (4) riječ "Ministarstvo" zamjenjuje se sa riječi "organ".

Član 18.

- (1) U članu 47. u stavu (1) riječi: "privredno društvo ili izvođač istražnih radova dužno" zamjenjuju se riječima: "izvođač radova iz člana 33. ovog zakona dužan", a riječ "Ministarstvu" zamjenjuje se riječima: "organu koji je izdao odobrenje za istraživanje".
- (2) U stavu (2) riječi: "privredno društvo, odnosno izvođač istražnih radova dužno" zamjenjuju se riječima: "izvođač radova iz člana 33. ovog zakona dužan", a riječ "Ministarstvu" zamjenjuje se riječima: "organu iz stava (1) ovog člana".
- (3) U stavu (3) riječi: "privredno društvo ili izvođač istražnih radova dužno" zamjenjuju se riječima: "izvođač radova iz člana 33. ovog zakona dužan", a riječ "Ministarstvu" zamjenjuje se riječima: "organu iz stava (1) ovog člana".
- (4) U stavu (4) riječi: "privredno društvo ili izvođač rudarskih radova" zamjenjuju se riječima: "izvođač radova iz člana 33. ovog zakona".
- (5) U stavu (5) riječi: "privredno društvo, odnosno izvođač geoloških istražnih radova" zamjenjuju se riječima: "izvođač radova iz člana 33. ovog zakona".

(6) U stavu (6) riječi: "privredno društvo, odnosno izvođač istražnih radova" zamjenjuju se riječima: "izvođač radova iz člana 33. ovog zakona".

Član 19.

U članu 48. u stavu (2) riječi: "privredno društvo dužno" zamjenjuju se riječima: "izvođač radova iz člana 33. ovog zakona dužan", a riječ "Ministarstvu" zamjenjuje se riječima: "organu koji je izdao odobrenje za istraživanje".

Član 20.

- (1) U članu 52. stav (1) ispred riječi „interesa“ dodaje se riječ „posebnog“, a na kraju rečenice briše se tačka i dodaju se riječi „Gradu i općina.“
- (2) U istom članu stav (2) iza riječi „od“ dodaje se riječ „posebnog“, a na kraju rečenice briše se tačka i dodaje tekst „za nivo Kantona, a općine za nivo jedinice lokalne samouprave.“
- (3) U istom članu stav (3) iza riječi „od“ dodaje se riječ „posebnog“.

Član 21.

U članu 53. briše se tačka na kraju rečenice i dodaje se tekst „a Gradske vijeće i općinska vijeća na prijedlog gradonačelnika, odnosno općinskog načelnika.“

Član 22.

U članu 54. u stavu (3) riječi "Ministarstvo koje je izdalo" zamjenjuju se riječima "nadležni organ koji je izdao".

Član 23.

U članu 56. u stavu (2) slovo i riječ "u Federaciji" zamjenjuju se sa riječi "Federacije", a broj "69/05" zamjenjuje se brojem "73/14".

Član 24.

U članu 59. u stavu (4) riječi: "prava utvrđena u čl. 67. i 68." zamjenjuju se riječima: "ovlasti utvrđene u članu 62.", a slovo i riječ "u Federaciji" zamjenjuju se sa riječi "Federacije".

Član 25.

- (1) U članu 74. u stavu (1) u tački a) riječ "Ministarstva" zamjenjuje se riječima: "nadležnog organa".
- (2) U stavu (1) briše se tačka h), a dosadašnje tačke: i), j), k), l), m), n), o) i p) postaju tačke: h), i), j), k), l), m), n) i o).

Član 26.

U članu 75. u stavu (1) u tački h) broj "46" zamjenjuje se brojem "33", a brišu se riječi: "stav (1)".

Član 27.

U članu 79. iza broja „17.“ dodaje se broj „18.“.

Član 28.

Ovlašćuje se Zakonodavno-pravna komisija Skupštine Kantona Sarajevo da sačini prečišćeni tekst zakona o geološkim istraživanjima.

Član 29.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj: _____/16
Sarajevo, _____ 2016.

PREDsjEDATELJICA
SKUPŠTINE KANTONA SARAJEVO
Prof. Ana Babić